

南江文鈔

南江文鈔卷第四

餘姚 邵晉涵 與桐

聖駕八巡淀津恭紀

樂府十章
謹序代作

攝提昭紀上元啟辰戩祓迭臻昌嘉合彙

聖天子御宇五十有九年延太和於

仁壽融久照於升恒懋舉上儀式諧

令典籌增瀛屋環雙淀而流長瑞展蘿圖乘

六龍而澤普郁紛卿鵠壽星聯析木之津滂浹

春膏德水滄餘邗之藪奏康猷而匝洽衢壤同賡仰

盛業之炳煌滋陬共覩申宜民宜人而孚佑

四得慶備於

八旬綜天數地數而合符

十全績昭於億載荷

天庥之滋至纘

祖烈以丕承擴柔遠能邇之

闕猷裕內靖外安之

郅治不得已而用者師往有功無所利而爲之戰成必
克溯自存駢定笮分蓬滴以殷遙蹴贊批獮簡熊貔以
捷伐凋轟拭電堙中成蟻潰之危箚拉團雲徼外納羊
牽之請鈎梯蜀闢因壘崇降斯金川之初定也厄魯特

龜又生罷達五齊蚤還負蟹用穿珠之勢春三月而出
師成破竹之功廿五人而斫陣遂繫烏孫之部長兼纁
青海之逋臣斯準噶爾之初定也狼走壙而啟心鼠依
墉而逞技銳師颺舉固扎廟之卷席灰飛陰霰現消伊
犁河之投鞭流斷振連岡以饗答掃橫漠以煙澄斯準
噶爾之再定也幸免脫於合圍萃蜂屯而馮堞鐵驪刷
勒解黑水之宵氛羽鏃疊弦盪雪山之春凍導通渠於
月崙安列牧於花門斯回部之平定也懜促浸之忘讐
附趨拉而構釁船縫皮以飛越五月渡瀘崖刮地以仰
攻三更奪砦役五年而依楊柳凱八日以達桃花斯金

川之再定也諸蔗爲鄉萑符起盜樓船飛渡鏢摺角於
鹿門遠島分搜剪吞鉤於鯤壑嘉義則名符新社誠孚
則感逮生番斯臺灣之平定也蠶爾朱波古云驃國官
屯掣蠹全師移茅瘴之期國長獻琛盈幅犴葉文之表
斯緬甸之平定也震龍編以牙帳析象郡之桐珪布葵
悃而斂關泝榕波而就驛敬陳莖幣同桂蠹之封函親
奉兕觥叶冰弦以獻嘏斯安南之平定也絡餘懸度地
漏山經藏越烏斯人依梵域始以下情未達觸蠻搆覺
而兵爭繼以

聖鑒周知虞芮質成而心服貢龍媒而按轡譯象唄以

頂經斯廓爾喀之初定也嗔阻線巖險逾飭潛從天而
下卽開七勝之勳得地必先無俟三年而克徹齒顛噶
箕之使奔巴恬陽布之庭斯廓爾喀之再定也綜茲十
盪十決之多恢爲一尉一候之寓西斟濛汜東帖滄溟
北隰毋寡之城南隘伏波之柱添時憲書之格日出入
常跨兩時益

皇輿表之圖里廣袤且畸三萬以

守成而兼

創業幾獨運於

九重由

純德以著

駿功歡並騰於八表矧在津淀近屬郊圻趨觀旋凱之儀迎聽吹鐃之曲憶

嘉勤於吉戊捷呈赤嵌之孚人承

錫宴於祥庚

惠逮南交之賚使獲親瞻夫

盛事知普洽夫

昌猷今逢五載

亨期恭迓

八巡

御輦扶鳩夾道曾陪千叟而銘

恩騎篠盈衢半領元孫而結隊效蒲瞻而杏望企踵尤
殷

勗稽事與河防

軫懷彌切隄成格淀瑩鏡澤以中涵城遶安瀾會鳳河
而南受濬條河之細溜疏委澄源納套海於重溟縈沙
定舶塗環

給復

四綱倍裕其蓋藏厥廣

惠漕千艘更新其排造港揚芬而飾屏綴景額著

清怡橋廣惠而卷愜順情艦宜

安福沽融翠激

契仁智以播醇豎展青茵

徵雨陽以借樂

示廓公而登峻萃墊茹連

嘉台度於肄都鸛鴛鳥躍晉爵秩而諧其廉法安醴業
而裕乃懋遷凡

殊恩渥澤之施皆疊至稠加之慶

康強純固仰

行健之有常博厚高明惟

至誠之無息翁猶

裒對合嵩高岱嶽而三呼

敷錫延洪積粟陸驪連之十紀

臣

榮承持節慶協觀

光集祉函和徧及於三湘七澤
翔祥忭豫飫聽夫趙北
燕南因遵路而採風慕矢音於述職
山謠澤詠迭經調
愷樂之聲苞懋符融垓秭頌

全昌之壽其詞曰

角亢麗殷上春孚焉逢翊令辰
令辰舒承

吳貺引

壽圖嘉祺

虔奉三覆載照

保佑申

德克肖所無逸

敬日強

念八徵彰厥常繩

鴻禧勤

展義淵爲鶯巒爲企尾箕野接漢津歡聲洽慶

八巡

右第一章章二十四句

式昭

雅治

詔建辟雍雝和璧合文軌攸同相古有作岐周石鼓鸞
翫交輝生闕廡

聖代稽古集錦爲新貫珠比珎

煥乎其文觀摩鴻都七經是正開成唐鐫體清雅鄭益
部汴都珉消石泐殘本臨安嵌畱燼熄焜煌
盛制太學經刊十三珠斗頌耀

辰垣

右第二章章二十四句

聖謨合揆

說經粹言冠諸碑首

宣闡真詮大圭鎮圭疇措而執之班瑞輯瑞曷出而紉
之辨商音正韶樂析渭涇定塵鹿獮區場淮吳公實繁
矩斂斂福楊稊秀雲天需廣烝乂訂身迂覈詩序

圖敬洛誥允禹謨

至論昭羣疑釋經昌明

聖作則

右第三章章二十八句

奉

德威兮揚

天聲奮徽旒兮振芑鉦圖廣運兮

功十成紀

顯猷兮薩爾濟靖三枿兮安

仁宇青海澄兮昭

聖武紹

前烈兮

天助順雪窖融冰兮月銷暈枕席行師兮宣

義問告成太學兮四列豐碑天山炎徼兮

睿藻磨崖燭日星兮雲昭回

右第四章章十二句

周書王會篇唐臣職貢記宋人沿作圖實象成虛寄
聖朝聲教通八荒西踰汎水東搏桑航瀛梯嶺胥來王
蒙古朝鮮舊藩服扈特歸誠列耕牧達賴班禪化人屬
香象馴階貢南掌靈鮫錦出暹羅樣殊狀宜增瑞應圖
瞻

天願切誠意孚津口瀾寧番舶至昨歲親來英吉利

右第五章章十六句

川效珍兮山望

幸協

時巡兮宜春令吳越山川環禹會石鞏魚鱗障渤海河

順新隄淮更沛

指示周詳安庶彙

宸章朗燭萬丈霞丹峻碧澗騰光華東岱西臺雲氣接
漢柏千年蟠太室田盤勢拱形山脊
輦路經過瑞煙結和爲玉燭臺爲春

鑾輿臨泣

躬勤民

右第六章章十四句

大海澔澔衆水歸

聖德亶亶民惠懷大昭古燕薊北澤同滌洄金繕層梁

元貯泊交滯分支久鬱術歡聲動兮

萬乘臨

親相度兮川之潯

飭司空兮

給度支源克濬兮委並治桑乾導汨沙

惠波符永定子牙

命剔鬣順軌安其性與濟通南舟捷地滋春疇丁沽徑
圍角淀水東西流灑鄭閭蒲魚利

祐靈長

虔致禮衛河漕此交滙禮

淀神神哉沛

右第七章章二十六句

徵吉逢亨肇大淵獻瑞繞

龍旂春饒

帳殿上章著雍

恩曦並戴

闔澤滂鋪慶氛變隸緊魯齊之接壤兮

省東作而便程迓

御艦而軒舞兮

慰瞻叩於輿情

策龍驟於綺闈兮繞華顛及黼黻達歡謠於柳墅兮沐
醴膏而沾潤憶掩茂之承

光兮頌

南山而祝

釐引

純常而

益懋兮茲喜值夫

昌時

右第八章章二十句

湛露被以芳敷

渥澤承以樂胥鏗牌捧以的鑠紵章披以華腴萬箱增
以藏富三登優以

蠲租埜芄芄以

擢秀鳳鏘鏘以在梧修組練以

普賚列香益以潤餘亮采

昇以晉擢肯疑

許以滿除五躔徵以融洽八方協以歡娛

右第九章章十四句

陳夏諺兮

豫遊盈春色兮

皇州繹書詞兮好德益

曼壽兮福疇仰

盛德兮日新道悠久以不息衷

鴻文兮千篇編

御詩兮五集昭雍睦兮逮仍雲駢棹楔兮多瑞人

蕃祉凝兮

瑞圖輯萃五衢兮莒九節望瀛壖兮淑景開茂嘉應兮

萬福來

右第十章章十四句

皇上八旬萬壽恭紀

徵符一篇
謹序

臣晉涵稽首頓首言欽惟我

皇上篤祐延熙化融久照五十有五載歲在上章恭屆
八旬萬壽聖節和雖枕被煥焯珍符薄海臣民咸戴景
承輝翺祥忭豫燮啟驩飲詠揚於

仁壽之宇

臣

竊惟唐臣柳宗元作貞符篇言受命休符

不於祥于其仁詞旨甚瓌然當時渺功德可紀語皆蹈

虛

臣

遭逢

盛世備員史館親見

洪猷懋績景鑠於前古炳濯乎來茲謹推天人感應之

原撰徵符一篇用顯著

大德受命必得之符謹見諸實徵禱所奕禩其詞曰

粵若

昊蒼篤佑我

聖清撰合

德肖化久勳成我

皇上御宇初載太歲在辰實惟唐典伊耆踐阼之歲肇
嘉運於上元沖漠宣厥繇引翼雁鴻迺若默感兆於

睿衷曰予一人寅承茲

丕丕基劼續

施武恪修圖羨子惟是繩厥

貽謀持久以孜孜爰翊亮

天工信飭庶采

命四方大吏毋奏祥瑞迺昭事

欽若謹禮於

園丘

方澤秩於上下羣祀

親奉瓚幣祁寒盛夏惟無斃迺

紹德言巖

對越禴祠嘗蒸奉灌薦秬芬苾苾

寶訓

實錄雜誦周環煜顯茲

謨烈廼

譚諱於庭廣集益圖教寧其各敷陳講義輒正史闕常

經廼

躬行節儉任九職以均九式安陶唐之階尚夏后之食

廼

董正邦治

批章展牘晷發無遺

召卿寺以瞻對覲岳牧以

周咨迺

勤小民之依穀數民數司農歲稽偶邁偏隅薄疹

恩膏醲沃給舖給糜迺

詔大小臣工毋偏厥黨毋毗厥私毋飾術以嘗巧毋名
浮而實漓其勤恁乃職綱絜乃忱汝或有織曲之隱疇
克揜於

旭日之照臨維時翔洽茂豫鏡榮燭和潤殷賑於阜庶
昭玉律與金科叶以襲乎之舞颺以康哉之歌春孳夏
極凱養澍濡十餘年之間六合之內融融皞皞衍衍如
也

皇帝淵然篤念撫茲懋圖曰惟

天惟

祖宗胥靈豐融

嘉況懽告曷敢不肅迓

鴻庥仔鉅俶又以紹茲久道且夫鉅典之允敘非其時
弗舉偉略之克登非其人弗承盛業之用襄非其道弗
彰今既秩祐修和履禘錫羨矣尚克持之以恒行之以
漸寧或不竺虔寧或不覆勉爰於重光協治之春肇舉
南巡之典先期

給內府緡錢平治路衢隴安其耔市樂其估祇掃除乎

郊陌泯絲毫之供輸

天子廼登禮名山釐治惇俗進資滌垢優老給復造士
陳詩詰戎載鞫愉歌夾道

闔澤霏霏若丑若午若酉

籌河

觀海計萬姓以救恬

躬臨相度至再至三亦粵十五載隸子及辰河澄展鏡
海靜鋪鱗歸德則增隄擊碣范塘則磬石嶙峋普東南
之美利民應草而葶春

澤益覃焉

惠彌厚焉前後凡三十有四年

六巡之典懋焉西師初舉衆論持疑

宸謨獨斷算握前幾鼓致果於勁旅策兼程於援師或
宜之圖或授之策準部則摩壘犁庭回部則衝圍駢捷
凍解於雪山烟澄於月窟用以昭助順於

天心揚洪輝於

前烈五年而大功告蕝桓桓焉翼翼焉天山環遶瀚海
迴旋我田我牧我井我泉徠驕驍於西極貢璆琳於和
闐繫金川之負固也始荷解網之寬終恃負嶠之險冰
合箐迷懸崖側仄

王師進討削砦平礪彘薰其窟鳥砦其巢計周詳之區
畫稟

睿算之持堅凱還奏績亦聿五年地過乎三峽威懷乎
九姓土司喁喁更番歲覲

大武所由昭著定也

聖代右文集成今古汁光曜於東壁之躔揆精華於羣
玉之府適廣藝苑之獻書或挈之簠或連以軸適披永
樂之叢編則澄其金則簡其礫恢恢困困麟麟焯焯紛
羣言以香薈若齋滌濯泝故百谷以滙歸推揚潛隱研
覈翫華咸折衷於

聖裁綴零編與散帙胥璧合而珮排選卷端而

題咏宜

至論以昭垂釐以四部儲以

四閣青絳素黔應時辨色淵津源溯濼潢會極綜其分
帙積十四萬而贏四千溯觀成於肇迪計程期以十年
劉向輯畧之錄荀勗中經之簿孝緒七錄之編方斯隘
矣莫惟五三六經之傳

顯道惟彰稽則承翼冠德卓猷者申戩崇慶疇則云壺
燭質闇而冽浮奧沈闕光以鬱乃詡揚也昭茲

帝緯相時監裁成以茂對蟠濯祺嘉亘古一會緝穆邵

臧將駟敷夫

閎業迭運行於遠躔必引以舒長之養日

大聖人至誠周洽成功之歲月每炳乎幾先

滂仁協義持恒引久俟應乎

天庸煥懿鑠庸翊洪延是則詩以

渥澤久迺彌浹纂以

武功久迺益崇矢以

文教久迺愈劭記日久則徵徵則悠遠亶哉忱矣

大聖人之德之純亦如

燾載之融以淳耀也

皇帝祉借春茂德與日新伸符

仁壽溥

錫福於兆民藏富閭閻崇墉櫺比正賦全

蠲益三而爲四臺海寧瀾社番內首式廓戰圖

武成告九

嘉惠南邦增峙三閤

詔許傳鈔鳧趨爵躍爰建辟雍璧合水圓流古香於芹
藻備上善於成均列岐陽之獵碣結瓊彩於藩文煥

鴻章於集錦詞擷舊而爲新爰表百官令章維則文釐
厥司武晉其秩爰究河源闡訛都實淮井濟榮通情四

瀆爰備中和

審定樂章鑄鐘特磬球雍鏐梁慶隆進舞琴麗焜煌爰
訂全詩爰

調古樂七均攸歸入能遞作譜合於南幽雅頌律協于
重敏迭經風淳俗懋感人和平斯悠遠之徵所爲浸潭
逢涌禱禱延圻哉月正元日誕布

溫綸

醲恩廣惠

翼命重申迺

東巡於泰岱象司春而

溥仁溯泉林以

釋菜緬台揆而同規洵生民以來所未有茲乃道備于君師

聖天子強固精明之體純純常常體健行以不息延厚德以無疆裕

五世之慶開

五福之堂圖陳

王會合宙騰驥貝函象譯徼棧瀛航西踰天竺東指樽桑而南交之君長亦依光入

觀請

鍤冠帶陪察案鞠歷以上

萬年之觴皇哉煌哉乾符坤珍燦著融光嘉徵彙至抃
圓願方距跂行喙息之倫僉懌然于

顯道之彰

天子製八徵耄念之寶猶疊疊于敬事醴政演疇斂福
肅又指謀彙

聖猷而時若爰茲八表雍睦協氣薰蒸人瑞駢接濟濟
繩繩孳生四乳庶兆日增合居九世提抱雲仍揚輝戴
曝爲升爲恆潤和

壽宇是爲至履之徵

再江文鈔 卷四

十六

太上皇帝紀元週甲授受禮成恭紀

迎日推策
記一篇

臣聞邃古之初黃帝正名百物淳化播時權輿迎日推
策順天地之紀旁羅日月星辰四時以諧百度以飭厥
後推步之術疇人掌之漸推漸密綜其條理顯灼者爲
歲行之運爲日至之期爲星中之度循環相生周而復
始惟位在德元仁覆天下順氣成象迥然相感通斯籌
策之環轉彌綸遞推而愈積迭演而逾融欽惟
太上皇帝德盛功崇枕被六合胥煦藹以
仁壽之化體

天健行六十年孜孜如一日丙辰週甲之歲月正上日

懋舉

傳位之典

御太和殿

親授大寶於

皇帝嘉慶書元

恩膏普洽

鴻儀式彰翫祉總輯煌乎煒哉亘古一會臣恭聆

綸言而敬繹之聲自初元丙辰

虔志默禱厘繩

武之恩伸過甲之

願粵至於今丙辰

初志允諧洵

昊蒼之申命用庥也

臣

惟大撓作甲子而幹枝之名以

立爾雅曰太歲在丙曰柔兆在辰曰執徐劉熙釋名曰
丙炳也物生炳然皆著見也辰伸也物皆伸舒而出也
其義與司馬遷班固許慎張揖諸人大指符合太歲之
行依躔著象臨丙丁辰於氣爲昭明於時爲通正六十
年而周元氣渾淪蟠乎上下光華彌煜孽阜彌殷

盛時之昌會用顯厥兆甲者孚也體仁爲元德孚於甲
孚春則跂行畢逮孚信則立幹用貞孚誠則悠久不息

泰符舒啟

大聖人紀元週甲所爲翼翼惻惻肇純篤熙和之茂祉
哉日至之期積歲而致唐虞冬至日在天龍姬周冬至
日在星紀苞符彙合駢豫含禎於是冬至日在析木之
津正中式昭

大聖人之景運雲漢昭回祥開紉緜歲癸巳
南郊以預定儲位虔告

上蒼迎長日之至

嘉貺聿臻夏小正曰時有養日時有養夜戴德傳曰養
長也

至治滂仁養天下以久寧長又桐生茂豫叶乎長贏
天庥滋至有適應夫

昌期者矣星行按度歲功廼成說文謂歲星越二十八
宿宣徧陰陽十二月一次夏曰歲取歲星行一次也漢
書天文志註謂二十八宿十二年而周天此舉成數而
言覈以歲實則十一年有奇而周天積八十四年而超
辰

聖壽八旬有六協元吉之辰開周天之數順氣成象迺
然相感通厥有徵哉

臣

竊以布筮推測疇人皆能演之

維

大德之昭宣爲溥海生民所共覩庸克倏應於
天同符合撰歲庚戌臣工進

萬壽祝

釐之詞旣焜焯於冊矣於今五稔

盛治日新以嚴

對越則每歲

壇陔

禘享

親致精謹澤應

雩祈

欽觀

實錄長昭

敬

法之誠焉以整邦治則

頒諭

批章不踰晷刻樞臣日接卿尹時宣述職之置吏分秩
之常銓並得近

光周知民隱奉爲成憲彰厥有常焉以揚

雅化則

詔刊石經折衷

南江文鈔

卷四

三

御論爲四庫

七閣之儲綜其體要

御製集

詩五

文三垂治法之定則集今古之大成焉以闕

偉略則廓爾喀納賚輸誠綏爰衛藏用儼夫回準金川
之犁定臺灣交趾之牧寧闢地三萬里靡遠弗屆成

大武之十全焉以溥

春膏則正賦

五蠲漕糧

四免

普除倚閣之數藏富於民盈寧倍渥

闡澤之稠施叠沛爲從來史牒所未邁焉化治風淳興
仁講讓百齡人瑞接跡駢闐七世同居惇崇雍睦忱達
乎梯航慶敷於陬澁莫不軒褰忭舞合詞臚歡曰荷

天之龍承

天之祐龐洪哉維

聖世易曰天地之道恒久而不已也洪範以康強逢吉
爲大同之象實原於五事之敬

太上皇帝純常堅固之體持恒翊久莊敬

日強所其無逸

允泉府之司以乾隆嘉慶寶文並鑄集

祉延

禮如川源之引而方至如淳耀之舒而彌長

示衡

訓政昭

執中之緒裕

燕翼之謨月正四日集三千叟

錫宴

錫福

優賚便蕃舉跂行喙息之倫相與翱翔於壽宇是則筭
策之衍宜推一至萬至於億兆京垓

菲祿康哉

天其申錫無疆哉

太上皇帝紀元週甲授受禮成恭紀

典詮一篇謹序代作

臣某頓首稽首上言欽惟

太上皇帝治融仁壽化協延洪爰以丙辰輪歲為紀元

週甲之期正月上日

御太和殿

親授寶於

皇帝嘉慶書元

恩言肇宜有光唐典

臣

謹按漢臣班固作典引數釋二

典之義然當時尠實政可稱未嘗厥愆

臣

欣邁

大聖人

授受之茂典邁唐越虞謹援据經義作典詮一篇以廣揚

純熙篤祐之盛原本至德億萬萬年長昭宇宙其詞曰
肇粵淳象壺煜元氣昆侖逶躔順運曦舒朏漸蟠濯於
辰實惟伊耆初載策步發斂章倣上元扶輿禕兆若綸
若翼輯祺羸四千庸駿挺而蔚積占日至於析木演貞
符以啟泰景曜維暉勰茲昌會我

太上皇帝龍飛初元歲名在辰歲陽在丙炳治振楨緝
祉彙禎視唐爲盛迺升馨默憐

上蒼虔志繩

武維紀年週甲昭遜於

祖

昊貺攸洽

初願式符亶乎謹哉

蒼靈之協應誠至而斯孚也

臣

惟伏勝詒書昉標唐傳

分章釋義明馴德以著見肆自分申有命溯德元於欽
若數法日月星辰靈曜徵其昭灼以今詮之厥象尤焯
大聖人昭事憲寅通誠

昭假每歲

躬親虔禮於

園壇

方澤春穀夏雩上下神祇咸秩四和通正燭以道光休
徵時若洵顯道之用彰哉唐時宗祀名曰五府合族維
九惇睦斯祐鴻惟

顯暮垂裕

續緒

紹言歲薦登於

禘享四展謁於

橋山

篤念芳陔蕃光麟祥

錫爵

錫宴秩秩焉洋洋焉唐傳言厥功信飭定位昭明建官
維百章辯維貞懿夫

皇猷之允顯敘廉法於官方闢門以

聽政秉燭以

俟章樞臣日接卿尹時宣課先報最引逮初銓省厥成
以慎憲若覆載照之無私整紀綱於

上理疇或過於斯唐傳言授時之宜東作西成夏因冬
燠四時從經胥安救於耕鑿詮以經之徹義則
勤民之實莫大乎

省方

六巡展義

嘉惠南疆西臺中嵩灤波淀澤岱雲徐楚

觀海

籌河

省耕給斂無非事者正賦

五蠲全漕

四錫猶

廛診餘

普除倚閣溢盈寧於倉廂增擲墉於隴畝繫

闔澤之滂洋更亘古所未覩且傳稱四表禹鐵柳穀經
緯縱橫限於南朔豈若

德威廣被率土偕臣闢二萬餘里達乎雪山之北瀚海
之濱鯨靖東寧雉呈南徼航渤梯山土爾扈特全歸四
衛咸列牧而分屯東南際海暹羅琉球荷蘭暎咭喇諸
國奉職貢於

王會大一統之

闕規撫八荒而無外哉夫哲陽中謠順則也藂雲華旦
述職也夔騰軒舞協服也聿稽唐典雖協枕被兆濟壇
封之績亦旣因時詮昔彌著其焜煌矣悠遠之徵純行

不已更眇然於化日之舒長

聖壽八旬開六敬德日強承

天之祐建

五福五代之堂衢歌巷祝具臚於上章

景貺申錫益以懋昌以彰

偉略則廓爾喀始拒終順獻琛納賚奉表敬關視準部

回部之次第底定昭

大武之十全焉以光

文教則

詔刊石經燿瑩璧沼

御論光宣敷揚

至道爲四庫

七閣之蘭簡琅函綜其要焉以昭

御製

詩五

文三集成今古倬雲漢以爲章包萬有以函煦爰逮要
闡史評詩調樂譜禮器成圖中和進舞炳炳麟麟發栩
禮樂而備舉焉仰

健行之不息賡

雅化之日新承

光戴景翽祥忭豫徧及於園廡方趾跋行喙息之倫
大聖人穆然於

天庥之滋至憬然於

祖德之延長也乙卯九月吉日

詔定元良遂

宣示中外以癸巳

南郊

豐岐展謁緘名虔

告

淵志先定

頒來歲之朔書元嘉慶

皇儲率王公大臣京秩外吏髦士耆民合詞奏曰禪繼
之典權輿伊耆延齡益算史牒可稽
傳位之歲請俟

斯頤

詔以

天聽維聰勿允所請勅有司具儀注

令章維正廼昭禮於

東

西珠阜禮備吉蠲協氣周應結爲祥氤廼

俞九府之司以乾隆嘉慶並鑄寶文流貽久遠酌定丹
鉛泉行布達兆延

福社如方至之川良月

錫壽駢集班聯嘉平

錫禋芬進吉牲

聖懷彌殷

謙却尊號

命勒球璿虹文瑞繞

定規創制彩煥璧琮寶惟

至德之綸治燾覆之象誠莫罄其形容也丙辰元日

太上皇帝服禮服

御寶殿

親授大寶昭

傳位之典

皇帝率羣臣拜賀翼翼濟濟

國慶

家祥

天顏有喜

皇帝登極虔奉

勅旨推

恩

錫類

授受一家迴軼唐代故馭演禧猗惟千載一時之嘉會
太上皇帝純常堅固之體

康強逢吉

勤德靡倦所其無逸

燕翼垂庥

示衡

訓政

皇帝孝治爲綱導揚

慈命斯又天下臣民誠歡誠喜同聲稱慶者矣月正四
日集耆英之叟列佺羨之班方瞳皓齒綠髻童顏相與
拜舞

彤墀肅瞻

子帝上

萬年之觴京垓億兆

聖壽無量

蕃釐羨哉

鴻章無哉融洽

大聖人之盛典哉

原缺

丕基以繩

武鞏億載之貞符盟誦繹思

寶訓

寶錄方畧則開創分猷表傳則王公比屬襄亮采以飭
功宣

闕規以啟篤騎射衣冠弗忘舊俗禮器成圖式垂芳躅
緬克艱之

締造廼

四詣於

陪京雅爾哈則雄關仍號薩爾許則豐碑勒銘

雲雷締象雨露抒

誠展匣韜之

弓劒燦珠斗而流形佳氣蟠以葱鬱

崇規裕以長寧自仁率

祖紀

恩有堂宗親敦念蕃兆麟祥普言

錫爵紹厥綿長唯

續承之純固貽綏福以流慶耆叟日殷監成憲周作恭

先迪光顯緒疇克若是其駭濯融延哉

繼志之盛願繹敞之

使臣曰峻旭升暉臚輪恒耀

聖治光覃健行久照先春布澤未明求衣報章封事夕
達

晨披燭忱情於萬類體織鉅而靡遺奉

巡隨

輦絡赴庚郵程符遞進晷發無畱卿辟時宣樞臣日接
課績程材

綸音胥浹

殿陛涖朝宁依

聽政燾履惟公衡懸至正典學則春啟

講筵肄武則秋行

彌令歲習爲經時行維柄岳牧述職使節乘輶俾抒忱
以揚對奉

德音以孔昭六載上計兩曹分銓百僚庶職並許覲
顏澄官方以秩敘重廉法於班聯審黜陟之自取執大
中以秉權計及閭閻

慮周微隱普玉律與金科必順時而劑準慎孜孜之
至訓恒篤念以益獲惟無逸以作所洵

欽德之日強耆叟曰大觀在上洋爲

聖謨遐披道管達於扶輿願有述也

使臣曰苞符煥采

皇極敷言沛江河於瀛渤耿奎壁於台垣彙古今以函
納集聲振以昭宣

御詩五萬

御文五百珠燦日輝軒圖義畫一萬有而六五經融神
載而滋道脉奉

至論以折衷合羣言而就敘三禮則區別仍聯三通則
續賡兼補志方輿而九域披綿明職掌而百官潤黼評
要之史乘統宗審律之聲詩叶譜析脣堦以闡微繪壘
彝而鑑古崑崙辨黃流之源泰岱以白山爲祖分編遞

就四庫集成三萬六千以總蒼絳青黔素以分呈帙較
崇文爲富體兼公武而精提要則總賅端末著錄則標
目簡明

四閣分儲崇楮翼冀淵蓄澄澚津濡瀝液源歸墟於瀛
壖溯過澗于豐畢流傳副墨

廸嘉南邦江介則山三得偶浙河則天一爲雙洽

柔遠於同文緝梵經於貝葉演上締於三乘亦同時而
就香耆叟曰邃古以來丹青綠字之徵也斯

雅治所由日興乎

使臣曰文軌攸同

效崇實學

頌經史於膠庠饒會垣之講幄章令新釐誦弦遠暨研
律而調以八均通經而貫于五緯計偕時賦

蕊栢六開嶺山韞川懷之秀廣南金東箭之才縵倬雲
千碧漢滋瑞莢于

堯階復有燈火絳帷風簷皓首名耀

丹綸秩偕華綬擢材異等

懋舉制科鴻詞則霞箋並擘經學則珠笈同摩書觀石
室音矢卷阿

蹕路陳詩胄衿獻賦凱被溫和

澤先寒素凡登峻而興賢若巒磨而谷赴成均敷教
詔建辟雍橋垂虹而天紹水園璧而沖澗藻流香古槐
結陰濃協中聲于絲竹宣闕義于鼓鐘迺消吉朝行
釋奠懿先後之

台符肅榼登而嘉薦析古訓于老更聆

御論而式燕周京石鼓輝映橋門篆結瓊而尚舊詩集
錦而雕新釗儒修以惇誨敷

醇化于昭文耆叟曰樂職中和雅詞並進

大武九成願言其盛

使臣曰義征不諛惟斷迺成

天心祐順形爲風霆繫西師之始舉羣情持以惶疑仰
睿謀之夙定操

神算于先機方伊犁之甫戡值降人之反覆屏浮議之
撼搖不旋踵而收復旣而回人助梗準部交訐埴環聚
蟻窠結攢蜂偵先行而斷後築長圍而急攻成衆志以
持堅

策援師以奮迅合旅衝圍分鑣並進烈烈桓桓星馳電
震轂轉風稜旗捎月暈捷于燕然之師銳于常山之陣
大漠犁庭枿銷餘燼金川初討

王旅嘽推乞降悔罪

湯網仁開繼乃封狼生豨土梟聯獍恃彼締姻擾茲九
姓揚

天威以靖逆耿井鉞與參旃嶠摧負虎崖墮驚猱穿側
屨以破箐騰絕屈而攻礪遂乃狐窮薰穴鳥逼焚巢烟
澄霧霽涼解雪銷臨清則一舉告寧蘭州則再加駢捷
掃臺海之橫氛渡樓船而瀾謐凡茲

偉績悉稟

淵謨策勳飲至

宣示戰圖者叟曰盛矣哉

德威揚詔肇開版宇願遂言之

使臣日薄海時雍被光四表蟠木西迴樽桑東遶宅中
圖大環拱

神京灤河抱塞承德新營緬古蹟於興中傳翠波兮
座乃廣厲于學官

錫篆礪于城左伊式廓之西陲地未闢于曠古頗遐照
之

景輝納八垓于闔戶九達則遙分月嶠三周則近指天
山列雉而峙以環堞安鳩而帶以通闔引水成渠相土
則壤華實之腴歲登豐穰開屯設牧因俗宜民葱嶺之
右流沙之濱壁倚蓬婆雪融滴博橋接維州雲鋪隴麥

章亥東西之步商高方廣之籌劉安志墜形于八索虞
聳表穹天于四游又孰若此之廣輪丕敘

沃闔滂流至于蒙古諸藩分旗久屬循峪路于伊綿取
會歸而仰矚土爾扈特誠皈部全踰由旬之累萬授遊
牧而安便增環圖以益地信

仁覆之無偏耆叟日率土喁驪封巒望

幸願述中謠用徵僎應

使臣日禮稱展義易著省方式昭

盛典適舉

鴻章申

嘉惠于星南廼

六巡夫江浙越岫迎青吳波漾碧晃台鏡于重湖浮三
山于一葉泰岱則練卷天門嵩岳則闕排夏室兩涘之
水導漢津五臺之葩輝佛日徧毫齒而歡迎契
宸衷以豫悅瞻

御輦所經過荷

聖慈之軫恤祇衢路以掃除泯絲毫之供億虔

登禮之修秩溥

慶澤之覃施階登廉善錄及矜疑秀野蜚英之彥童醜
頤壽之姿俗以三登而懋材寧一肯而遺試習流于奔

酒懷挾纒于噉曦胥懌歛而襄舞咸隨忭于
鸞旂爰覩

天章麗旭

睿藻磨崖敘便程于成作總阜庶以雖諧炳

龍文之璀璨耀紉縵于平階耆叟日以豫以遊載翕允
猶願進言之

使臣曰伊大河之南注也合鋪敦于淮浦導洪澤以流
溶逮迤颺于淵獻廼告漫于儀封浹考城而潢漾溢沛
澤以毗豐維

軫念之孔殷

命重臣以相度承

指授以機宜由地行以疏瀹潛下演之盤盪瀦流之
汨柏修防旣鞏引派斯長湖清巖社浪靜陶莊雲曳金
門之口風傳銅瓦之廂旣乃因勢迴蟠合流順導仍歸
德之古隄寧長筮而奏效送箭筈于安東巔廬居于四
塿藉刷黃于韋繞

詔審定乎淮源出曾巔而派漉乍萃縈于井榦絜清流
以率軌徵遠廣乎寧瀾若浙海之隄埽迭元明而峙護
覘北漲而南埤涌澗沙而複互鹽倉則滯沛中迴范塘
則滴湟中赴編薪禦其急衝撻石垂其永固茲江流之

迴泐剡中鬱之蘆洲亘虹隄於荆岸咸祇奉夫
宸猷耆叟曰濛濛激流水爲源爲委

茂澤詩承請言其渥沛

使臣曰孚若禕哉

大聖人之裕民有加靡已也沍雪

瞻雲晴雪

望雨

省耕劭農延嘉舍哺偏隅小診

恩與卹除遂瞻依以愜願恒軒舞乎中衢被

春膏以滋豫更優給而

賜租洵所爲原泉漑濯而踵頂敷腴者矣請言其大者
翔和純治正賦

四綱重茨梁于露積潤閉井以雲聯衡量則京垓積秬
多稼則三九增縣繁豐時之迭屢更益道之悠延青穰
培以再熟丹穎秀以雙連溢倉箱而藏富裒至和以演
年又若歲漕東南

天庾正供渠澮川通舳艫雲擁奉

德音以再免霑

普惠于耕屯餘秬秠以億萬充倉廩以鋪鱗繇豐亨於
恆久洵史策所稀聞酌衢尊而其飫僉躋堂以熙春耆

下注之金 一 阿 夕 日
叟曰暢紀濡延黃綿崇疊

至治綿馨其球斯集願進言之

使臣曰我

國家之光宅區寓也西汭南濮悉奉

尊親通于虬戶達以雁臣今者逢

泰運際

昌辰榮光鏡宇禱采連氤含仁負氣向

化歸仁思獻琛以納順隨輯瑞以來殷昭

麗日于天中耀遐垠以煦育底土司于南徼同被溲沾
來番戶于東寧獲申瞻矚滇雲南指地維朱波願受封

而請號仰

溫綽于鑿坡進駢田之騾樂隨案衍而登歌南掌屬國
貢象丹墀稟梁山之陽質備肅穆于

朝儀遠域奠邊日巴勒布占風雨而如期踰梯航而得
路識

聖化而屆誠陳貢函而結懔景開北戶地接南交藩王
效恪入覲

天朝伸祝

釐之至願備寅列于班寮詢

上德以徠遠協儀舞于蕭韶耆叟日淳化便章康歌衢

笑獻祉呈祥願言則儆

使臣曰信乎休嘉凱豫之氣磅礴于廣輿也

聖天子德昭春茂化與日舒

八旬萬壽之典猶欲謙而弗居繼乃以寰海內外臣民之籲請也爰順輿情舉

茂典廼復

申諭臣工務時勗勉調雍洽以安民期奉職之無忝華黍豐和聿稱上善黃葵丹桂之詞徒形曼衍也慶遭國壽千叟承

恩列階朴拜黃髮如雲百齡演算人瑞標坊合居數世

雍睦同堂三男駢舉提抱曾元斯其爲寶著之祥乎凡淵騫而山聳若近

闕而依

光願率楚南北之臣僚士庶北向稽首而上
萬年之觴耆叟聞之相與鼓舞而翱翔